

Siste gong baunene brant over landet
landslaget stemne på Sverresborg heldt.
Landslagsformannen Jon Skatvold gav ordre
på kongens borg lyste straks varden med bram.
Og via Forbordfjell, Stokkvola påbod
til oss på Våttåberg snart nådde fram.

Vileigde ein motorbåt som gjekk på diesel,
for ut på fjorden eg hugser ei kor.
- Sotet på kvitskjorta hugser eg godt -.
Straks føre krigen var stemnet på Logtu.
Laurantzon og Øverås tala om fred.
Som fullvaksen lagslem eg den gong var med.

Det beste var likevel lagsmøta våre
ein gong kvar månad i vinterhalvåret.
Faste program var det laga for kvelden.
Det byrja med song og det slutta med leik.
Lagsleidar heitte no **formann** den gongen.
Han opna med klubbe og skrivaren las.

Når møtebok så utan merknad var godkjend,
Ungdomssamlaget sitt rundskriv vart lese.
Ordskifte var det og handskriva "Heimrøyst".
Etterpå kaffe med bollar og prat.
Til sist var det leikarring slik eg fortalte.
På heimveg gjekk alle som samla i flokk.